



Kattusseqatigiit Partiiat

September 2011

UKA 2011/68

Inatsisartut suleriaasiata § 36-ia naapertorlugu matumuuna nassiuppara apeqquteqaat aallaavigalugu oqallinnissamat siunnersuut:

Aatsitassalerinerup qanoq ililluni nunatta karsiata aningaasanik isaatitsinerulersinnaaneranut apeqquteqaat aallaavigalugu oqallisissiatut siunnersuut.

(Inatsisartunut ilaasortaq Knud Fleischer, Kattusseqatigiit Partiiat)

Tungavilersuutit:

Tamatta nalunngilarput, ullumikkut nunatta inissisimaffia eqqarsaatingalungu namminersorneq ikaarsaarfingereerparput, aammalu siunnessami sulii aamma annertunerusumik namminiileriarternissaq tamatta anguniangaraarput.

Taamaattumik Kattusseqatigiit Partiiianiit isumaqarpungut, nunatta karsianut aatsitassalerinermit aningaasatingut annertunerusumik isaatitsinissaq siunertaralungu ersarissunik piareersaasiornissaq pilersaarusiornissarlu pisariaqartoq tassami suliniutit suungaluartulluunniit maannakkut amerlanertingut toqqaannartumik toqqaannangikkaluamilluunniit aningaasanik naleqalernikuupput.

Minnerunngittumik paasissutsissat maannakkut pingileriikkavungut aamma tungavileeqataapput taamatut siunnersuuteqarnitsinnut, tassalu Atungarsissaarnermut aammalu akileraartarnermut ataatsimiititaliap suliaminni saqqummiuummassuk, ukiuni tulliuuttuni ukiumut aningaasat 1 milliard kr-nit sipaarneqartariqartut oqariartuutingineqarmat.

Oqallinnissamat siunnersuummi inuussutissarsiutit pioreersut pineqanngimmata, taamaatumik taakkua annerusumik tikinngikkaluarlungit, Kattusseqatigiit Partiiat tungaviusumik nunatta aningaasarsiornera pillungu anguniakkat ilaannik saqqummiussilaassuunga.

Inuussutissarsiutit nutaat

Ilinniartitaanikkut aammalu pikkorissarnikkut ullutsinnut malinnaasumik pilersaarusiornlungit ingerlatsinikkut, sapinngisamik nunaqavissunik inuttalersuinissaq ingerlanneqartariaqarpoq. Olie-siorneq aammalu aatsitassarsiorneq eqqarsaatingalungit.

Olie-siorneq

Annertuumik ingerlanneqartoq tamatta nalunngilarput, qularutinginngilarput aningaasatingut nunatta tamanna pissarsiaqaatingingaa, kisianni aamma Kattusseqatigiit Partiiianiit sapinngisamik nunaqavissunut tamanut iluaqutaanerusumik ingerlanneqarnissaata sulissutissatta pingaartut ilangaat. Soorlu assersuutingalungu isumarput malillungu ullumikkorniit annertunerusumik nunarput piumasaqaateqartariaqarpoq, olie-siornissamat qinnuteqaatit eqqarsaatingalungit akuersissutit nunatta karsiarnut aningaasatingut iluaqutaasinnaasut sulii atorluarneqalinnigillat.

Qupperneq 1/2

UKA 2011/68

J.nr. 01.25.01/11UKA-00068

Assersuutitut ilannguteqqissinnaavarput, olie-siorniarluni qularnaveeqqutit piumasaqaatit 60 milliard-it tungaanut piumasaqaataapput, taamaakkaluartoq nunatta qanoq taakkua iluaqutivai? Isumaqarpungut periarfissarsiortariaqartungut qularnaveeqqusersuinerminunatta karsiani uninngatinneqarallarsinnaasut piffissap qilleriffiusup nalaani, taamaalilluni piffissami tasani aningaasat taakkua erniarineqartut nunatsinnut iluaqutissatut iluarsineqarsinnaasut.

Aatsitassarsiorneq

Aamma annertusiartortoq naluneqanngilaq, Kattusseqatigiit Partiiata anguniangaanut ilaavoq, nunatta pingisai aatsitassat nunatsinnut aamma iluaqutaasariaqarput, pīaanerup aallartinneraniit. Uani aatsitassat nunatsinniik annissorneqartut akitsuuserneqartariaqartut isumaqarpungut. Ilangisaanik aamma akuersissutinik qinnuteqaateqarnermi akiuliuteqalersitssarnissaq anguniarneqartariaqartoq isumaqarpungut.

Ilinniartitaaneq

Qulaani taaneqartut pillungit ilinniartitaanikkut aammalumi pikkorissarnikkut periarfissanik suleqatigiinneq aqquotingalungu suliffeqarfiit olie-siornermik aammalu aatsitassarsiornermik suliaqartussat nunatsinnut annertunerpaamik iluaqutaasussamik suliniuteqartoqarnissaa naalakkersuinnikkut qulakkeerneqartariaqartoq Kattusseqatigiit Partiiianiit isumaqarpungut.

Naggataatingut saqqummiussangut aallaavingalungit ataatsimut nalilissangaanni, isumaqarpungut taakkuinnaalluunniit eqqarsaatingalungit, naalakkersuinnikkut piumassuseqarluaraanni aningaasarpassuit nunatta karsianut iluaqutaanerlulertussanngorlungit suliniuteqartoqarsinnaasoq.

Kattusseqatigiit Partiiianiit taamatut saqqummiussaqaarluta inatsisartut kinguneqarluartumik oqallilluarnissaanik oqallisissiamik ammaavunga.
Qujanaq.